



Barnas Barnehage Kløvheim
Mykingvegen 642
5913 EIKANGERVÅG

Referanser:
Dykkar:
Vår: 17/1728 - 18/2186

Saksbehandlar:
Astrid Namtvedt Sylta
syas@lindas.kommune.no

Dato:
25.01.2018

Rapport frå tilsyn i Barnas Barnehage Kløvheim 19.01.2018

Det er barnehagen / barnehageeigar som er målgruppa for tilsynsrapporten. Rapporten skal beskrive tema for tilsynet, formidle dei rettslege krava, kva vi har undersøkt, våre vurderingar og kva vi har konkludert med.

Tema for tilsynet

Det er gjennomført tilsyn med Barnas Barnehage Kløvheim der temaet var, sitat rammeplan:

- *Barnehagen skal fremje kommunikasjon og språk.*
- *Kommunikasjon, språk og tekst*

Tilsynsmynde har vurdert om barnehagen har ei drift som er lovleg og forsvarleg i høve til Barnehagelova og forskrift. Under kapittel *Barnehagen skal fremje kommunikasjon og språk og Kommunikasjon, språk og tekst* i Rammeplanen, kjem det tydeleg fram kva barnehagen skal leggje til rette for i arbeidet med språk og kommunikasjon. Med utgangspunkt i desse kapitla har tilsynsmynde gjennomført tilsynet i Barnas Barnehage Kløvheim.

Før tilsynet vart gjennomført ba Lindås kommune om å få tilsendt fylgjande dokumentasjon:

- Barnehagen sin årsplan.
- Anna relevant dokumentasjon i høve til tema språk og kommunikasjon.
- Plan for implementering av ny rammeplan, fokus på språk og kommunikasjon.
- Kompetanseplanar.

Formålet med tilsyn/rettslege krav

§ 16.Tilsyn

Kommunen fører tilsyn med virksomheter etter denne lov. Kommunen kan gi pålegg om retting av uforsvarlige eller ulovlige forhold ved godkjente eller godkjenningspliktige virksomheter. Hvis fristen for å etterkomme pålegget ikke overholdes, eller hvis forholdet ikke lar seg rette, kan kommunen vedta tidsbegrenset eller varig stenging av virksomheten. Kommunens stengingsvedtak skal sendes fylkesmannen til orientering. I stedet for eller i tillegg til stenging av virksomheten, kan kommunen bruke økonomiske reaksjoner overfor ikke-kommunale barnehager dersom krav etter § 14 a, eller forskrift i medhold av samme bestemmelse, ikke er overholdt.



Vedtak om retting og stenging og vedtak om anvendelse av økonomiske reaksjonsmidler kan påklages til fylkesmannen.

Tilsynet er dei aktivitetar som kommunen utøver for å sikre seg at barnehagane vert drivne i høve til krav i Barnehagelova og forskrift. I tillegg til å kontrollere om lovverket vert følgt, er det eit tilsynsansvar å gjere faglege vurderingar og gje rettleiing. På nokre område gjev lova detaljerte føringar, medan det på andre område er ope for skjønn.

I tilsynsoppgåva ligg det at det skal førast kontroll med at barnehagane følgjer gjeldande regelverk, og at det vert gitt reaksjonar når ikkje krav vert oppfylte.

Rapporten omhandlar resultat frå tilsynet som var meldt 03.01.2018 og som var gjennomført 19.01.2018.

Gjennomføring av tilsynet

Tilsynet er gjennomført ved å hente inn og vurdere dokumentasjon. Det er også gjennomført synfaring i barnehagen og intervju / samtale etter oppsett plan.

Oversikt over personar som vart intervju i tilsynet :

Namn	Stilling
Ingrid Hindenes	Foreldrerepresentant
Synne Ones	Pedagogisk leiar
Margunn Nystrand	Assistent
Lillian Bondevik	Styrar
Charlotte N. Grimstad	Eigar / leiar

Tilsynet vart gjennomført av Astrid Namtvedt Sylta, Lindås kommune og Mette Marei Træland, Meland kommune.

Våre vurderingar

I tilsynsbesøket møtte tilsynsmyde representantar frå dei ulike yrkesgruppene i barnehagen. Mynde hadde også samtale med foreldrerepresentant. Gjennom samtalan fekk mynde oversikt over korleis det vert arbeidd med tema språk og kommunikasjon i barnehagen, og kva kompetanse som er i barnehagen. Mynde fekk og informasjon om korleis foreldre vurderer barnehagen.

Språk og sosial kompetanse har vore satsingsområde i barnehagen i fleire år. Eigar er med i gruppa som utarbeider *språkplanen for Lindås kommune*. Barnas Barnehage Kløvheim er ein DUÅ barnehage. Det vert og jobba med Dinosauruskulen i førskulegruppa. Både tilsette og foreldrerepresentanten var godt nøgd med at barnehagen nytta desse arbeidsmetodane. Språk og sosialkompetanse står sentralt i denne arbeidsmåten.

Barnas Barnehage Kløvheim vart i 2015 kjøpt av Charlotte N. Grimstad, som også eig Barnas Barnehage Hundvin. Gjennom målretta arbeid og ved hjelp av eit stabilt personale, har Barnas Barnehage Hundvin utvikla gode system og rutinar for det pedagogiske arbeidet i barnehagen. Tydelege planar, mål for arbeidet, ansvarsfordeling og høg grad av refleksjon, pregar arbeidet i barnehagen. Desse arbeidsmåtene ønskjer eigar å implementere i Kløvheim. Personalet i Kløvheim var ærlege på at endringsprosessen hadde

vore, og var framleis litt utfordrande. Kløvheim har sin kultur, og det tar tid å gjere endringar. Det er viktig å seie at personalet såg at det nye systemet var godt, det kvalitetssikra arbeidet i barnehagen, men dei trong tid for å implementere det. Sjukefråveret i barnehage var høgt. Dette beskreiv personalet som ei utfordring.

Til tross for dei utfordringane som nett er omtala, vert det jobba godt med språk og kommunikasjon i Barnas Barnehage Kløvheim.

På begge avdelingane vert det arbeidd med språk og kommunikasjon, tilpassa alder:

- Les mykje bøker. Alle barna får ha med si bok i barnehagen. Les den, positivt fokus på barnet.
- Barnehagen har eit godt utval av bøker, bibliotek.
- Barnehagen jobbar med språkgrupper.
- Vert jobba mykje med song, rim og regler. Jobbar med fokusord.
- Har «ventebenk» i garderoben, det gjev rom for god samtale.
- Magiske møtepunkt, julenissefest og Luciafest.
- Barna vert «bada» i språk gjennom heile dagen!
- Nyttar *Alle med og Tras*.

I samtale med foreldrerepresentanten kom det fram at ho var nøgd med barnehagen, terskelen for å ta opp ting med dei tilsette var lav. Ho hadde heller ikkje fått negative meldingar frå andre foreldre. Bruk av DUÅ og Dinosaurskulen vart framheva som positivt. Foreldrerepresentanten hadde ønskje om at barnehagen skulle nytte klassisk musikk, gjerne i samband med eventyr og liknande. God musikk skapar følelsar.

Som ei oppsummering vil tilsynsmynde rå til at Barnas Barnehage Kløvheim held fram med det gode arbeidet dei er i gang med. Samstundes vil ein rå til at dei skal «sjå» mot Hundvin og litt etter litt ta det beste der frå inn i eigen praksis. I tilsynet kom det fram at barnehagen bør ha større fokus på digital praksis i barnehagen. Når det gjeld litteratur, er det ønskjeleg at både nynorsk og bokmål er synleg i barnehagen. Det same gjeld utvalet av ny og eldre litteratur.

Konklusjon

Barnas Barnehage Kløvheim oppfylle krava i Rammeplan i høve til arbeidet med språk, tekst og kommunikasjon.

Samsvar med Barnehagelova

Tilsynsnemnda har i tilsyn med Barnas Barnehage Kløvheim ikkje avdekket lovbrøt.

Med helsing

Kristin Moe
kommunalsjef

Astrid Namtvedt Sylta
rådgjevar oppvekst

Dette dokumentet er elektronisk godkjent og har difor ingen signatur.

Mottakarar:

Barnas Barnehage Kløvheim

Mykingvegen 642 5913

EIKANGERVÅG